



Universitätsbibliothek Paderborn

Meditationes De Præcipvis Fidei Nostræ Mysteriis

Vitæ ac Passionis D.N. Iesv Christi; Et B.V. Mariæ; Sanctorumq[ue] et
Euangeliorum occurrentium Cum Orationis Mentalis circa eadem praxi In
sex partes tributæ

Qvae Considerationes De Peccatis, [et] quatuor hominis nouiſſimis; necnon
[et] quosdam orandi modos ... complectitur

Puente, Luis de la

Coloniae, 1611

Med. 20. De luxuria & virtute castitatis.

[urn:nbn:de:hbz:466:1-54597](https://nbn-resolving.org/urn:nbn:de:hbz:466:1-54597)

MEDITATIO XX.

CIRCA VITIUM*Luxuria, & virtutem castitatis.*

PUNCTVM I.

S. Thom. 2.
2. q. 153.

LVXVRIA est inordinata voluptatis venereæ appetitio, contra ordinem videlicet à Deo præscriptū: In hoc vitio peccatur, PRIMVM COGITATIONE, cum voluntas in illud conseratit, aut in rebus inhonestis cogitandis delectatione, quam morosam appellant, ita recreatur, vt sponte in ipsa hæreat, aut repidè illam reijciat; aut occasionem, ex qua illa nascitur, non remoueat.

I.

II.

DEINDE VERBO peccatur, dum sceda proferuntur; AVDITV, cum eadem cum voluptate audiuntur, aut certè musica & cantiones inhonestæ; VISV, ea aspiciendo, quæ ad inhonestatem prouocant, aut Actiones siue comedias eius generis, aut leguntur huius argumenti libri. ODORATV & GVSTATV, si ea percipiamus, quæ ad luxuriam prouocant, si horum sensuum delectationem, tanquam finem habeamus.

III.

TERTIO peccatur OPERE cõsummato, idèq; varijs modis. Si quis secum solus, est Pollucio; si cum soluta aliqua, Fornicatio; si cum coniugata, adulteriũ; si cum cognata, incestus; si cum virgine, stuprum; si cum Religiosa, aut contra votum castitatis, sacrilegium; si cum complice

eiusdem

eiusdem sexus, Sodomia; si cum bestia, bestialitas. TACTVS secum vel cum alijs, si voluptatis causâ fiant, ad peccatû operis reducuntur.

IN hoc puncto non ita hærendum est tempore meditationis, vt particulares horû peccatorû circumstantias minutim examineimus, ne nouarum tentationum occasionem habeamus: sed flendum potiùs, quàm multùm de eis cogitandû, dicendo: Heu mihi, quàm bestialis, & putida hæc est vita! quàm vel aspicere erubescio, aut mouere: ne pessimo suo foetore me iterum inficiat. Aspice illam, Deus meus, oculis misericordiæ tuæ; & fac, vt ex meis fontes exeant lacrymarum, quibus à tot immunditijs purificer.

PUNCTVM II.

SECUNDO consideranda tria genera peccatorum, quæ LVXVRIÆ respondent, sicut diximus de Gula: quæ eò maiores æstimandæ sunt, quòd vitium hoc maius est.

PRIMA poena est innumera miseræ, quas I. vitium hoc secum adfert: Deo ita permittente, vt *angelus Sathanae*, qui carnis aculeo luxuriosos profernit, crudeliter etiam *colaphizet*; 2. Cor. 12. 8. corpora ipsorum mille incommodis, & morbis, non solum dolorem inferentibus, sed sordidis, & pudendis afficiens: imo & infamiâ, alijsq; mille calamitatibus, vsq; ad facultatum terrenarû, salutis, quietis, vitæq; ipsi^o iacturâ: & sicut Apostolus Christianû quendâ, a quod a 1. Cor. 5. 1. *Incestum commississet, Sathanae tradidit*, vt in corpore torqueretur: ita qui seipsû huic vitio

tra-

tradit, corpus & spiritum suum crudeli huic
 b Pro. 23. 32. carnifici tradit, b qui blandè quidem ingredi-
 tur, sed in nouissimo mordebit, vt coluber; & sic-
 ut Regulus, venenum d'ffundet.

II.

PRAETER hæc, horrenda alia Deus intulit
 supplicia: quò suum in hoc vitium odium ma-
 nifestaret. Propter hoc enim præcipuè Dilu-
 uium venit, quo mūdus submersus est; & ignis,
 quo Sodoma cōflagrauit; & ingens illa, quam
 c Num. 25. 9 in Israelitas suos Moyses edidit, strages, c vi-
 ginti quatuor millia vno die occidendo: & cum
 Phinees zelo magno israelitā quendā, publicè
 fornicatē, publicè etiā confodisset, ita Deus
 factum approbavit, vt mox à cedendis reliquis
 desitum sit. Propter Pollutionem crimen d

d Gen. 38. 10 DEVS nepotem Patriarchæ Iacob percussit, eò
 e 1. Reg. 2. quod rem detestabilem faceret. e Filij quoque
 34. & c. 4 sacerdotis Heli, propter carnalia scelera simul
 11. vno die miserrimè perierunt. Notum quoque
 est, quàm carè constiterit Samsoni cum Dalila
 peccauisse; Dauidi adulteriū cum Bethsabee;
 & Salomoni deperuisse alienigenas mulieres.
 Si tales igitur, tantiq̃ viri, quòd luxuriæ vi-
 tio succubuerint, horrendas ad eò poenas sub-
 ierunt: cur tu illud non fugis? Num fortior es
 Samsonē, Salomonē sapientior, aut sanctior
 Dauidē? vt ab illorum periculo, priuilegio a-
 liquo sis exemptus, vt vel labi non possis, sicut
 ipsi: aut non, sicut illi, puniri?

S. Hier in
 Reg. Mo-
 nach e de
 castitate.

III

SE D quæ in Inferno luxuriosi tormenta pa-
 tiētur, erunt intolerabilia. Ignis enim ille
 horrenda violentia partes illas corporis, qua
 huius

huius peccati fuerunt instrumenta, depaſcet. Imaginandi facultas, quæ fœdis hic cogitan- dis delectabatur; horrendis ibi imaginibus af- ſiſgetur. Quinque ſenſus, qui quinque inſtar voluptatis fontes fuerunt, ibi erunt tanquam quinque lacus tormentorum. Denique à pedi- bus ad caput vſq; immerſi erunt in ſtagno illo igneo, & ſulphureo: eò quòd carnis ſuæ blan- ditijs, & odoribus ſubiecti vixerint. O anima mea, perpède accuratiſſimè ignis illius Infer- ni flammas, quòd carnis tuæ incendia pertimeſ- cas: nam vt clauus clauum pellit, ita illius ig- nis timor, huius extinguit amorem. Hinc adeò firmum deteſtabilis huius vitij fugiendi (non enim vincitur niſi fugâ) propoſitum concipi- am, vt vel eius nomen in ore acciper e hor- ream, iuxta illud Apoſtoli, cùm de immundi- tia, & fornicatione loqueretur: *f Nec nomine- tur, inquit, in vobis, ne videlicet eo nomine, res*

f. 1. Cor. 6. 13. Epheſ. 5. 3.

ſignificata occurrat memoriæ veſtræ. Et quoniam huius vitij vincendi duplex eſt ra- tio; altera cùm quis licita matrimo-ij volupta- te contentus eſt; altera altior & perfectior, qua etiam ab illa abſtinet: de hac ſecunda ſubſe- quens inſtituitur punctum.

PVNCTVM III.

TERTIÒ, conſiderandi ſunt ſex actus, quos perfecta luxuriæ mortificatio, & excelsa virtus caſtitalis, cum ad perfe- ctionem debitam peruenit, complectitur; ac totidem fauores præmiaq; glorioſa, quæ Deus tribuit propter illos. Quorum cauſa CAſTI-

S. Bonan. in Dieta ſalu. tit. 4. c. 4.

E
PONTÉ
P.



UNIVERSITÄTS-
BIBLIOTHEK
PADERBORN

TA S in sacra scriptura Lilio cōparatur, propter sex eius candidissima, & mollissima folia, totidemq; virgulas cum extremitatibus ignis instar inflāmati: nam folijs, sex castitatis gradus; virgulis, sex illi fauores in auro & igne charitatis fundati significantur: quibus hæc virtus, amabilis; mortificatio verò, suavis omnino redditur: quare hac intentione sunt pendendi.

ACTVS PERFECTÆ CASTITATIS.

I. **P** R I M V S CASTITATIS actus est PVRITAS in VISV & AVDITV, qua horum sensuum portæ ita ocluduntur, vt nihil ingrediatur, quod vel a *cogitationem* vel imaginem turpem ingerat: Sed visus meus castus ipse sit, & castus auditus: adeoque arctè vterque frenetur, vt ipsi, castitatis fiant custodes.

II. **S** E C V N D V S actus est PVRITAS in vsu rerum, quæ ODORATVM, GVSTATVM, & TACTVM delectare possunt: quæ à rebus dulcibus & blandis, castitatis hostibus, seuerè eos coercet: conando efficere, vt castus sit cibus, potus, vestis, & lectus sit castus: Tactus deniq; omnes casti, & eos, qui tales non sunt, tanquam ipsum ignem auersentur.

III. **T** E R T I V S est PVRITAS in VERBIS, colloquijs, & *Conuersatione*; in *Risu*, vultu, & reliquis corporis gestibus; in vestibus, & ornamentis externis: omnibus, castitatis insignibus, ita decoratis, vt honestas, & decentiâ

Chri-

Christiana vbique resplendeat : quibuscunque contrarijs exclusis.

QUARTVS est PVIRITAS in amicitia, & iucunda cum creaturis familiaritate : omnem enim in ijs excessum reprimit, quæ castitatem offuscandi occasionem aliquam præbere possunt: nec dare permittit, nec accipere munuscula vlla, quæ ad aliquam eius maculam illecebæ sint, aut offensio.

IV.

QUINTVS est PVIRITAS in externis omnibus, & internis occasionibus remouendis, quæ castitatis splendorem obscurare, aut quicquam de eius perfectione detrahere posse videatur. Quare perfectè castus, vel occultâ superbiam fugit : ob quam nouit, Deum permittere lapsum in luxuriam; & ipsam iram euitat: quod ea sanguinem accendat, carnemq; commoueat ; & otium fugit, quod carnis motibus portam aperiat: ac deniq; loca omnia, & personas deuicit, ex quibus nitori eius obscuritas aliqua accedere possit: quia nouit à sapiente dictum: *Qui amat periculum, perit in illo.*

V.

S. Greg. 11.
Moral. c. 8.

c Eccl. 3. 27.

SEXTVS, isque supremus CASTITATIS gradus est PVIRITAS in omnibus cordis cogitationibus, motibus, siue commotionibus carnis : quam ita rationi subiectam tenet, vt non solum in vigilia, sed, quâtum in nobis est, in ipso etiam somno in officio contineatur. omni conatu adhibito, vt nulla omnino detur occasio, ob quam Deemon scædis aliquibus imaginibus, aut perturbationibus, vel in ipso somno nobis illudat.

VI.

Cass. Collat.
12. c. 8.

H A E C

d. Cens. 2. 2.
Cast. c. 11.

S. Tho. 2. 2.
q. 155.

HAE C sex illa sunt coelestis huius d. lily candidissima folia, quamvis inter multarum tentationum, & tribulationum spinas, quas Continēs patitur, ante quā ad castitatis perfectæ possessionem perueniat: Sed, si de omnipotentia, & misericordiā Dei confidam, eam potero obtinere. Ad quod multum conferet intima, & accurata, sex eius fauorum & praemiorum consideratio, quæ iam subijcitur.

**FAVORES ET PERFECTA
castitatis praemia.**

I. PRIMVS FAVOR, quo me Deus prosequetur, si animo generoso decreuero contra carnis insultus decertare, perfectamq; assequi castitatem, erit: mittere Angelos suos, qui mihi adsistāt, & in eo certamine iuuent ad victoriam: quod enim quisque purior est, eō (S. Ambrosio teste) magis est custoditus, & ab Angelis circumdatus, vt qui ob similitudinem, quam virgines castique cum ipsis gerunt plurimum delectentur, cum eisde conuersari. Et vt ad tres illos castos pueros in fornace Babylonica, descendit vnus Angelus, qui cū eis manens, *e excussit flammā ignis de fornace. & fecit medium fornacis, quasi ventum roris flantem:* sic ad eos, qui in sensualium tentationum fornace immerfi, decreuerunt, illis non consentire, accurrunt Angeli, vt protegant, ne flammā illa eos laedant, aut superiorem animæ partem tangant: & vento quodam roreque, coelesti, car-

Lib. 1. de
virg. ad So-
ro.

Quod Sancti
or quisque
eō manior.

e Dan. 3. 50.



nis ardorem extinguunt : atque ad glorifican-
dum Deum, ob victoriam obtentam, prouo-
cant. Quamobrem, si ab huiusmodi tentationi-
bus premi me videro, eosdem meritò aduoca-
bo, dicens: O gloriosi Angeli, virginum custo-
des, castorum protectores, purorum hominum
amici, familiaresque socij, accedite, adiuuate
ne, qui me circumdat ignis, etiam comburat:
excutite flammam, quæ ardet in carne mea, ne
contingat spiritum, aut eidem inferat detri-
mentum: impetrate mihi suauem diuini spiri-
tus ventum, qui carnis meæ ardores refrige-
ret.

SECUNDVS FAVOR est, quod ipsemet
Deus particulari protectione, castorū assistit
custodiæ, vt qui puritate non Angelis modò,
sed ipsi etiam Angelorum Domino, omnis pu-
ritatis fonti, similes sint: qui propterea eorum
familiaritate valde delectatur, & ad suam be-
nignè admittit amicitiam. O DEVS æterne,
f. *quæ pascis inter lilia:* & propterea arri-
dēt tibi animæ castæ: meam, quæso, effice ad eò puram,
vt cum ea morari, & conuersari digneris.

Ex vtroque hoc fauore, efficacissimum ad
tentationes, quæ repenti & solum me inuadūt,
vincendas remedium addiscam: eleuare scili-
cet mentis oculos ad Angelum, qui præsens
mihi adest, multoque magis ad ipsius Dei præ-
sentiam: vehementer erubescēdo id in eorum
conspectu facere, quod coram hominibus non
auderem. Respondebo igitur tentationi, quod
castissima Susanna impudicis illis senibus, à

II.
S. Basil. lib.
de vera
Virg.
f. Cant. 2. 16.
S. Greg. ibid.
S. Hieron. e-
pist. ad De-
metr.
Cassi Coll.
12. c. 8. &
l. 6. c. 9.



g Dan. 13. 23. quibus prouocabatur ad flagitium: g *Melius est mihi absq; opere mori; quam peccare in conspectu Domini.*

III. TERTIVS FAVOR est, quòd loco carnalium nuptiarum, quibus amore castitatis renuntio; ad spirituales Deus me admittat. spiri-

h Ose. 2. 20. tualiter sese animæ meæ copulans, h *Desponsatione fidei, misericordiæ, & charitatis; & altissimas spiritus voluptates ita ei communicans, vt carnalium penitus obliuiscatur: & hac ratione suum implet promissum, quòd qui ipsius amore i vxorem reliquerit, renunciando facultati, quam ad ducendam habebat, centuplum in hac vita esset recepturus.* Id enim est dicere, tantam eum voluptatem percepturum, quæ centies eam excedat, quam habuisset cum vxore. Castitatis enim iucunditas ita illam superat, vt impossibile sit eam agnoscere, qui non sit expertus. O castarum animarum Sponse, talem mihi virtutem concede; vt mea inter illas connumeretur, & esse tua mereatur. O anima mea, siquidem adeo es voluptatibus addicta, renuncia liberaliter abiectissimis illis, quas caro concupiscit, vt altissimis simul que iucundissimis SPIRITVS proprijs frui possis.

IV. QVARTVS FAVOR est, pro carnalibus filijs, quos habere potuiffem; spiritualium copiam ab ipso Deo recipere, sine cõparatione meliorum, dum bonis operibus, meritisq; ditissimis, & animabus multis exemplo meo, & adhortatione Christo lucrifacis me replet;

quarum

quarum & pater, & mater sim in spiritu: implet enim fidelissimus ipse, quod promiserat per Prophetam suum: *k Et non dicat Eunuchus: Ecce ego lignum aridū, & infructuosum: Quia hac dicit Dominus Eunuchis, &c. Dabo eis in domo mea, & in muris meis Ecclesia mea, locum, & nomen meum a filiis, & filiabus; nomen sempiternum dabo eis, quod non peribit.* O felicem castum! cui Deus excelsam filij, & patris tribuit dignitatem: filij, ob singularem adoptionis gratiam; patris in spiritu, ob copiosos benedictionis fructus.

k Isai 56.3.

QVINTVS FAVOR plurimas gratias, & singularissima complectitur privilegia, quæ DEVS in signum amoris, quo castimoniam prosequitur, castis largitur: Quia enim ipsi in carne viuentes, supra ordinarias naturæ leges se eleuantes ita viuunt, atque si carnem non haberent: ideo vult DEVS, eosdem aliquando etiam supra ordinarias gratiæ leges eleuare, castimoniam eorum extollendo & honorando. Beatissima enim Virgo, ob rarum, & singulare Virginitatis votum, quo se DEI amore obstrinxerat, exaltata ab ipso DEO fuit, ad eiusdem matris dignitatem: & S. Ioannes Euangelista ob insignem suam puritatem, CHRISTO Domino fuit valde dilectus: à quo tum in vltima Cœna; tum, dum in cruce penderet, extraordinarios accepit fauores, & insignes postea revelationes: in quibus eodem nomine clarissimi fuerunt Helias, & Helisæus, Daniel &

v.

alij filij Prophetarum; & Babylonicæ fornacis ignis tres illos pueros non tetigit, quod Luxuriæ ignem prius deuicissent.

VI.

*l Apoc. 14. 4.
S. Basil. de
vera Virg.
c. 27.*

*S. Hiero. de
laud. Virg.*

SEXTVS FAVOR est singulare illud, *l Agnum in gloria sequendi, quocunque ille inerat,* priuilegium. Ut, qui illū in hac vita, castimoniam, & puritatem amplexus, imitatus est; dignus sit, qui eundem in gloria semper comitetur, iucundissimæ eius societati singulari gaudio coniunctus. O Agne dulcissime, concede mihi tuam in corpore, & spiritu sequi puritatem, ut ex angusto mūdi huius carcere exiens, per latissimos istos cœlorum campos merear tecum expatiari. Amen.

in Gen. 39. 9

SEX horum FAVORVM consideratione, ita me aduersus occurrentes contra castitatem tentationes munire curabo, ut nihil illæ me lædant; sed cum castissimo Iosepho, sollicitanti illum mulieri, dicam: cum tot Deus in me contulerit beneficia, torque gratias & fauores, si fuero castus, promiserit: *in Quomodo possum hoc malum facere, & peccare in Dominum meum?* O Domine cæli & terræ, non pallium solū, sicut Ioseph, sed honorem, facultates, & ipsam vitam perdere, quàm te offendere statui. Nam illum propter castimoniam, & fidelitatem eleuasti, ut Vice-Rex esset Aegypti; sed me ob meam Regem facies in cœlo.